

1 Yohane

Manmangât den.

¹ Manmangât den amâ keinjânbak manmâ gam malep. Akto ondopnennjandeak nângâyion. Dewun nennjande egion. Ekmâ nângâm amâ bâtnennjande mem howaiyion.

² Are amâ manman bunje miawagep. Miawakto yâkgât manman kârikje aregât keije makyengimaen. Yâk Apo olop malep ainba nengâlân togombo egion.

³ Aregât akmâ siâ me siâ ekmâ nângâyion areâk makyengimaen. Makyengienje nângâm amâ nen olop mendugumai. Akto nenâk bo. Ye nen akto Apo akto Nanje Yesu Kristo olop mendugum manjanangim heronje maronje akmaen.

⁴ Hain akmâ amâ heronje maronje humo aktenje ârândân akbiapgât yu kulemgoen.

Anutu amâ pagalenje bunje.

⁵ Akto den pat Yesugâlânba hin nângâyiongât makyengien. Anutu amâ pagalenje dondâ akto yâkgâlân hândâk pipije wan siâ bo tatâp.

⁶ Aregât nenne amâ hândâknân manmâ Anutugâlân dewatimaen dâm maktenje bunje bo akmap. Akto den bunje bo mem manbaen.

⁷ Gârâmâ Anutu pagalenjaet keije aregât nângâm lokom manmap nen âkai pagalenjân manbaen amâ âlepje nenâkâ gala olop biwi konok katmâ âlepje tatbaen. Akto nen bâlenje aktenje aregât dosa Anutugât nanje Yesu Kristo nengât akmâ gilâmje

gembo mondo dosanenñe bo akto salek salek agion.

⁸ Dâ nen bâleñe bo akmaen dâweren âmâ hiangiweren. Akto den bunñe biwinennân bo yemberâp.

⁹ Dâ bâleñe nenñe makmâ miawakbaen âmâ Anutu âlepñe amboñe akto den bunñe amboñe arekñe bâleñe nenñe pulim dosanenñe mem metembo bo akbiap.

¹⁰ Aregât lâuwâñe makbe. Nen bâleñe bo akmaen dâmaen âmâ benñe Anutu hiangi hinare aktâp dâm hiangimaen. Akto Anutugât den biwinennân bo yembiap.

2

Yesuñe dumnennân kilep.

¹ Nan baratlupne, yeñe ageine bâleñe mem manbâi aregât hanokoak akmâ den ire kulemgoyengiân. Dâ siâ bâleñe membiap âmâ âlepñe Yesu dosañe bâlâk manmap amâ nen tân nengum manmap Yesu Kristo agak meme ârândâñâk memap

² arekñe nengât dumnennân kindo Anutuñe nengât kuk agaño mondo dosanenñe bo agep aregât Yesuñe Eweñe ulilaño dosa nenñe puli-nengimap. Akto areâk bo. Yesuñe âmâ luâk âmbâle hânñe hânñe manmai areyengât dumyennân kilep.

³ Akto nenñe Anutugât den lokomaen amâ âlepñe Anutu nânğanñe bunñe akmap.

⁴ Dâ luâk âmbâle siâñe nâ Anutu nânğanman dâm âmâ denñe bo lokomap âmâ hiangimap akto den bunñaet keiñe bo nânğâmap.

5 Dâ siâñe Anutugât den lokomap amâ Anutunje okot âlep nânğâ anmap are miawaganmâ sambelem humo akmâ kârikñe akmap.

6 Akto yâk âmâ Anutugâlân dewatiwerâm amâ Yesu malep a hainâk manbian âmâ âlepñe Anutugâlân emelâk dewatiep dâwaen.

Han kalem akmâ tân aguwaen.

7 Galalupne, nâ den dopñe anğâ siâ bo kulengoân. Amâ tâmbânje miawagewân bak nânğâm gam manmai are lâuwânje yu kulemgoyenğiân.

8 Dâ den kulengoân ire amâ irakñe aktâp hainare. Amâ Yesunje den are lokombo emelâk hândâk hulañ akto pagalenje bunñande miawagep akto yekai hainâk lokombiâ miawakmap aregât.

9 Akto luâk siâ amâ galañe siâ mem ge katmâ, “Nâ pagalenjân tatân.” dâmap âmâ hândâkñân malep hainâk manmap.

10 Dâ siâñe galañe biwiñande tângowiap amâ pagalenjân âlepñe manmâ âgâwiap. Akto pagalenjân mando wan me wanñe bo mem ge katbiap.

11 Dâ siâñe galañe mem ge katbiap amâ yâk hândâkñân manbiap. Akto hândâkgât dâwân ariwiap. Arim dewunñe pando hâumgombo gain gain dâp are ekmâ watbiap?

12 Nananj lepat ye Anutunje Yesugât kotgât akmâ bâlenje yeñe puliyenğiepgât akmâ kulem ire kulemgoyenğiân.

13 Dâ ewelupyenje ye amâ Yesunje keiñânbak manmâ gaep are nânğanmai aregât ire kulemgoyenğiân. Dâ ye luâk sigan mandâi ye âmâ Bâlenje Ambonje are hâkokoyi aregât ire kulemgoyenğiân.

Dâ nananjupyeŋe Eweyeŋe bunŋe yâk nânŋaŋmai aregât ire kulemgoyeŋgiân.

¹⁴ Dâ ewelupyeŋe ye amâ yâkŋe keiŋânbaŋ manmâ gaep are nânŋaŋmai aregât ire kulemgoyeŋgiân. Dâ ye luâk sigan mandâi âmâ kârikŋe akmâ âmâ Anutugât den biwiyenân tato Bâleŋe Amboŋe are hâkokoyi aregât ire kulemgoyeŋgiân.

Nen hângât kot siâ siâgât bo egâlianbaen.

¹⁵ Akto ye hârok hin makyenŋire nânŋaŋet. Ye hângât me hângât siâ siâ aregât ukenŋe bo nânŋaŋet. Amâ siânbaŋe biwiyenŋe hângâlâk katbiâ yemap, yâk âmâ Anutugâlân biwi âlep bo agaŋmai.

¹⁶ Akto luâk âmbâle bikŋande hângât egâlianmâ me dewunyenande wan me wan ekmâ ainâk egâlianmai me kotyeŋe mem agatmai me wan me wan tatyenŋiâp aregâlâk nânŋâmbiâ humo akmâp amâ yâk âmâ hânân gâtŋe, Anutugâlân gâtŋe bo. Haingât ye hângât wan me wan biwiyenân bo katbiâ yembiâp.

¹⁷ Aregât siâkâ makbe. Hângât wan me wan hânân egâlianŋe olop amâ bâliwiap. Dâ siâne Anutugât den lau lokowiap âmâ manman kârikŋân manmâ âgâwiap. Aregât hângât wan me wan bo egâlianbei.

Yesugât gasa miawakbiapgât den.

¹⁸ Nananjupne, sop bâiŋe tâlâguwiap. Akto ye Kristogât gasa kautŋe miawakbiap gât makmakŋe are nânŋâi. Are luâk âmbâle dondâ Kristogât gasa akmâ manmai dop hainâk emelâk miawagi aregât emelâk sop humo are tâlâwâk dondâ aktâp. Are nânŋâen.

19 Akto ulikñân nengâlân gâtñe bikñande keiyeñe bo nâñgâyengiyionân âmâ nen olop mali. Haminñân âmâ hepun nenekmâ Kristogât gasa akmâ mandâi. Dâ yâkñe nen olop gala bunñe akmai dâine bo hepun nenekbâi. Akto hepun nenegi amâ keiyeñe ekmâ nen olop bo manmai dâm nâñgâyion.

20 Galalupne, ye amâ Âlepñe Ambone arekñe biwiyenñan giep aregât nâñgâ nâñgârâ olowâk hârok manmâ den bunñe keiñe nâñgâmai.

21 Aregât ye den bunñe bo nâñgâmai dâm kulem ire bo kulemgoyenñiân. Bo. Den bunñe nâñgâmbiâ âmâ hianñi hârok biwiyenñan bo miawakmap aregât kulemgoyenñiân.

22 Akto hianñi luâk are niñæet dâwaen? Luâk siânñe, “Yesu amâ Anutuñe bo hunñunando giep.” dâmap yâk âmâ hianñi luâk dâwaen. Yâk âmâ Apo akto Nanñe munenñ akmâ keiyetñe tigimap. Yâk âmâ Kristogât gasa kautñe akmap.

23 Yâk amâ Anutu Yesugât Eweñe bo dâmap aregât Anutuñe bo membiap. Dâ nenâmâ Anutugât Nanñe nâñganñmâ makmâ miawakmaen amâ Anutu Ewenenñe yâkñe nanñe olowâk tân nengumandat.

24 Akto ye ulikñânbak den pat âlepñe nâñgâm gam mali are nâñgâm biwiyenñan katmâ nâñgâm manmâ âgâwei. Hain akmâ manbiâ âmâ Anutu akto Nanñe yâkâ hainâk nâñgâyengim manmâ âgâwiandat.

25 Siâ me siâ ire Yesuñe makmâ hârenengiep amâ manman kârik are.

26 Galalupne, yu kulemgoân imâ biwi gulip akyenñimai yâk yenñgât keiyeñe makyenñiwewâm yu

kulemgoyengiân.

²⁷ Dâ yengât amâ hin maktân. Heakne puli yegep are yengâlân tatbiâp. Aregât luâk siâne makmâ hekatyengiwiapgât dâpne bo. Heakne meyi yâkne den hârok makmâ hekatyengim akmap. Dâ bo heyengimap. Yâkgât den keiñe âmâ bundâk. Emelâk Heak arekne dâp hekatyengiep aregât kâlegen kulukmâ manbei.

²⁸ Nan baratlupne yeñe Kristogât nângâ nângân manbei. Akto maleine nen olop yâk miawaktoân kârikne akmâ hulañ akmâ añun añgim bo kinmâ âmâ kârigewaen.

²⁹ Akto yâk wan me wan mendo ârândân akmap aregât nângâmbiâ âmâ benñe siâne wan me wan mendo ârândân akmap yâk ekmâ hin nângâmai, Imâ memelupnenñande menenegi dop hainâk Anutuñe mendo miawagep.

3

Anutugât nan baratne mandengât keiñe.

¹ Galama, nângâi. Anutu Ewenenñe âmâ biwi kalem humo aknengimap are siâ siâ hârok ewangimap. Anutuñe nan baratlupne dâm nengolep arekne hârok ewangimap. Nen yu manden ire nan baratlupne dâm nengolep amâ bunñe makto miawagion. Dâ luâk âmbâle Anutu bo nânganmai arekne nengât keinenne bo nângâmai. Amâ Anutu ikeñe bo nânganmai aregât.

² Galama, nen hinñe Anutugât nan baratlupne manden are nângâen. Dâ siân manbaen aregât dopne gain hin are manbaen amâ hinñe bo

nângâen. Hin âmâ nângâmaen. Humonenņe mi-
awakto egekņe bunņe ekmâ nângâm heņgemgom
âmâ dop hainâk akbaen.

³ Aregât niņande Anutu nâņgaņdo humo akto
yâkgât mârur lâmgomap âmâ Humonenņe kau
kau manmap hainare manbiapgât biwiņe
heņgemgoakbiap.

⁴ Galalupne, dosagât pat hin makbe. Siâ bâleņe
memap amâ den kârikņe komap. Den kârikņe koko
arekņe amâ bâleņe dondâ.

⁵ Akto Yesugât âmâ nângâmai. Yâk âmâ dosa
puliwerâm miawagep. Dâ ikiņe âmâ bâleņe bo
akmâ yân malep.

⁶ Akto siâņe han biwiņe Yesugâlân katmâ man-
map amâ bâleņe bo akmap. Aregât luâk âmbâle
bikņande bâleņe akmai amâ Yesu bo ekmâ nâņgaņi.

⁷ Nananļupne luâk bikņande ye biwi gulip ak-
berâm makyenġimbiâ biwiyenġe gulip akbopgât hin
makbe. Kristo are amâ wan me wan mendo
ârândâņ akmap aregât siâ âmâ Kristogât dâp wato
ârândâņ akmap.

⁸ Dâ luâk bikņande bâleņe akmâ manmai are
amâ Bâleņe Amboņaet kâmolân gâtņe. Amâ Bâleņe
Amboņande miawagewânbak bâleņe akmâ manmâ
gaep aregât. Akto Anutugât Nanņande âmâ Bâleņe
Amboņaet âi koaņberâm miawagep.

⁹ Aregât siâkâ makbe. Memelupnenņande
menenegi dop hainâk Anutuņe meneneko
gurukņe manmaen nenņe bâleņe maleņe bo mem
manmâ âgâwaen. Anutu gâlânba manmangât
kârikņe yenengimbo aregât bâleņe maleņe bo
mem âgâwaen. Anutuņe meneneko dâp irakņân

manbaenne bâleŋe gain gain mem âgâwâen? Amâ bo.

¹⁰ Akto Anutugât nan baratluŋe nengât akto Niambigât nan baratluŋe are yeŋgât keiyene âmâ hin miawakto ekbaen. Siâ âmâ manman âlepŋe bo memap akto galaŋe bo tângomap aregât âmâ Anutugâlân gâtŋe bo dâwei.

Han kalem akmâ tân aguwaen.

¹¹ Galalupne, ye Yesugât keiŋe pup pup nâŋgâyîânbak hin makyenŋimbiâ nâŋgâm gamai. Nen biwinenŋe tân aguwaen.

¹² Dâ Kaiŋgât dâp bo watbaen. Yâk âmâ Bâleŋe Amboŋaet nanŋe iŋiŋe agak meme bâleŋe akmâ emiŋaet agak meme âlepŋe are ekto gembo emiŋe kondo moep.

¹³ Aregât hinŋe luâk âmbâle bikŋande hâŋgât agak meme aregâlâk nâŋgâmai, arekŋe hainâk yekbiâ gembo peiyekmai aregât sân sân bo membei.

¹⁴ Nenŋe amâ Yesugât kâmot areyeŋgât biwiyene tângomaen aregât hin nâŋgâm heŋgemgone. Emelâk momogât dâp hepunmâ manman âlepŋân manmâ gaen. Akto siâ bikŋe biwi tângo tângo bâlâk manmai amâ momoŋeâk manbiap.

¹⁵ Akto siâŋe galaŋe peim kuk agaŋdo amâ bugâ koko luâk dâwei. Akto ye bugâ koko luâk yâk yeŋgât nâŋgâi. Yâk yeŋgât biwiyenân manman kârikŋe bo miawakmâ yembiap.

¹⁶ Akto Yesuŋe nengât akmâ manmanŋe hepunmâ moep aregât biwi tângo tângogât keiŋe egion. Aregât nenŋe hainâk galalupnenŋe yeŋgât akmâ manmannenŋe hepunmâ mombaen âmâ ârândân akbiap.

17 Aregât hin makbe. Luâk siâ sot sonjo me sikum siâ siâ dondâ yeando galaŋe wan me wangât umburuk mando ekmâ biwiŋe hâkâŋ akto aregât biwiŋân Anutugât pat âlepŋe yendâp me? Bo.

18 Nananjupne, gala tânyenjuwerâm âmâ lau bi-witnenŋandeâk bo tânyenjuwaen. Bo. Nen âmâ han biwi nâŋgâ nâŋgânennande tânyenjuwerâm wan me wan yenjim gala akyenjiwaen.

Anutu nâŋgâmaenŋe yâkgât hamep bâlâk man-baen.

19 Hain akbaen âmâ benŋe den bunŋaet kâmot manmaen are nâŋgâenŋe bunŋe akbiap. Akto agak meme âlepŋe are nâŋgâenŋe âmâ Anutuŋe nenekto biwinenŋe owâiŋe akmap.

20 Dâ sopŋe sopŋe biwinenŋande den âiân kat nenekberâmbo âmâ hin nâŋgâwaen. Anutu âmâ biwinenŋaet dopŋe bo. Yâk dop siâ manmâ siâ me siâ nâŋgâm metemap aregât biwinenŋande umatŋe akbiapgât dâp bo.

21 Galama, okot akyenjimangât hin makbe. Biwinenŋande denân bo kat nenekto amâ Anutugât enemŋân âlepŋe kindenŋe biwinenŋe bo gemap.

22 Akto den launŋe lokoanmâ kinmâ wan me wan akmâ mandenŋe Anutuŋe nenekto huragumapgât wan me wangât ulilanŋenne nengimap.

23 Akto Anutuŋe den kârikŋe hin kato talep. Nanŋe Yesu Kristogâlân biwinenŋe katmâ han-nenŋande nâŋganmâ âmâ benŋe galalupnenŋe han kalem aganŋi goanŋi akmâ tân agu agu akbaen. Hain akbaengât maknengiep.

24 Akto luâk bikņande Anutugât den kârikņe lokowerâm akmâi âmâ Anutu olop biwi konok akmâi. Aregât ikinņe Heak nengimbo âmâ Anutu ikinņe biwinenņân manmap dâm nânġâmaen.

4

Heak bâleņe akto âlepņe yetġât den.

¹ Galalupne, luâk âmbâle propete hianġi dondâņe heyenġiwerâm akmâ Anutugât Heakņe tân nengumbo makyenġimaen dâm hianġimai areġât imâ Anutugâlân ġâtņe me borâm âmâ nânġâm henġemgowerâm damun akbei.

² Akto nânġâm henġemgowaigât hin makbe. Luâk siâ Yesu amâ Anutuņe huņgun anġo luâk akmâ miawagep dâmap amâ Anutugât Heakņe tângomap.

³ Dâ hianġi heak arekņe Anutuņe Yesu bo huņgunanġo miawagep dâmap amâ Anutugâlân ġâtņe bo. Amâ Kristogât gasa kautņe yâġġât sinduk baniara arekņe hain dâmap. Yâk miawakbiapġât dâtâņe are ye nânġâi amâ emelâk hânân miawaktâp.

⁴ Nananġlupne, Anutuņe amâ hânân ġâtņe are ewangimap areġât Anutuņe ye olop manmap arekņe propete hianġi yâk yenġât amboņe ewangimap.

⁵ Akto propete hianġi yâk âmâ hânân ġâtņe areġât hânġât nânġâ nânġâ are makmai. Makbiâ hânân ġâtņande ondop katmai.

⁶ Dâ nenâmâ Anutugâlân ġâtņe. Ġârâmâ siâņe Anutu nânġanġmâ âmâ den nenņe nânġâmap. Dâ Anutugâlân ġâtņe bo arekņe âmâ bo nânġâ nengimai. Amâ dennenņe komai. Aregât den bunġaet

Heak akto den hilipkomapgât sinduk baniara yâk yetgât keiyetne hainângen ekmâ potatmâ nângâm heŋgemgomaen.

Anutuŋe han kalem aknengimap.

⁷ Galalupne okotne nângâ aŋgimaen, biwi tângo tângo aregât keiŋe makbe. Biwi tângo tângo bunŋe amâ Anutugâlânba miawakmap. Miawakto Anutuŋe menenekto Anutu nângaŋmâ manmaen aregât biwinenŋande tân agum manne.

⁸ Akto areâk bo. Anutu amâ biwi tângo tângo aregât Amboŋe aregât luâk siâ biwi okot âlep bo akmâ manmapne amâ Anutugât keiŋe bo nângâmap.

⁹ Akto Anutuŋe nanŋaet manman âlepne nengâlân miawagâkgât Nanŋe konok huŋgunaŋdo hânân giep aregât Anutugât okot âlep are nengâlân miawagep.

¹⁰ Akto biwi okot tângo tângo aregât keiŋe hin yendâp. Nenŋe Anutugât biwi bo tângoyion. Bo. Ikiŋak soŋ okot nângânengim Nanŋe huŋgunaŋdo gem bâleŋe nenŋaet akmâ kindo Eweŋande nengât kuk aŋdo hâk hilâlâm nângâm mondo dosanenŋe bo agep.

¹¹ Anutuŋe biwi okot âlep hainare humo aknengiepgât nenâkâ hainâk biwinenŋande tân agu agu akmâ manbaen.

¹² Akto luâk siâŋe Anutu bo ekmap. Gârâmâ nenŋe biwi okot âlep agaŋgiwaenân âmâ Anutuŋe biwinenŋe tângombo Anutugât okot âlep are biwinenŋân sambelem humo akmâ kârikŋe akmap.

¹³ Akto Anutuŋe ikiŋe Heakŋe nengiep aregât hin nângâne. Yâk âmâ nen nângâ nengimap akto

nenne yâk nânğanmâ yâk olop manmaen. Akto hainâk manmâ âgâwaen.

¹⁴ Akto Ewenjande Nanne hân ârândân luâk âmbâle hengem nenguâkgât hunḡunaḡdo giep. Akto nenne dewun nenjande ekmâ bunjerâm den ire makmâ miawakmaen.

¹⁵ Akto luâk siâne Yesu âmâ Anutugât Nanne bunne dondâ dâm den are makmâ miawakmap âmâ Anutuḡe biwiḡân manmap. Akto yâkḡe Anutu nânğanbiap.

¹⁶ Aregât Anutugât biwi tângo nengâlân miawagep are nânḡâm hengemgoyion. Anutu âmâ biwi tângogât kautḡe akto siâne biwi tângo olowâk manbiap yâk âmâ Anutuḡe nânğanmap. Akto yâkḡe gai Anutu nânğanmap. Akto hainâk manmâ âgâwiap.

¹⁷ Haingât nengâlân biwi tângo tângo miawakmâ sambelem arekḡe tân nengumbo Yesu manmap hainâk nenâkâ hânân manmaen aregât siân hâuḡaet sowân kambiamnenne umatḡe bo akto hamep bâlâk kinbaen.

¹⁸ Aregât lâuwâḡe makbe. Nenne okot âlepḡe akmâ manmaen aregât siâ siâgât hamep bo akmaen. Akto biwi tângo tângo bunjande hamep are wato bo akmap. Akto siâne kârikḡe akmâ siâ denân katberâmbo âmâ hamep akmap aregât okot âlepgât pat bo akmap. Hain akto âmâ luâk âmbâle hamep akmai arekḡe âmâ okot âlepgât pat bo akmâ manmai.

¹⁹ Dâ nen âmâ hain bo akmaen. Anutuḡe son okot âlep aknengiepgât biwi tângo tângo olop manmaen.

²⁰ Akto luâk siâne Anutugât okot âlep aḡanman

dâm âmâ galaņe mem ge katbiap yâk hiangi luâk hain are dâwei. Nânġâi. Siâņe galaņe ekmap are mem ge katmâ âmâ gain gain akmâ Anutu bo ekmap are biwiņe tângowiap? Amâ bo. Dâp bo tatâp.

²¹ Akto Yesugât den hin yenengiâp. Anutu biwi okot âlep agaņberâm âmâ âlepņe galalupnenņe hainâk okot âlep akyeņgiwaen.

5

Anutugâlân dewatyiogât hângât kotņe siâ siâņe bo mem ge katnenekbiap.

¹ Akto siâņe âmâ Yesu âmâ Anutuņe huņgunanġo luâk akmâ giep dâwiap areġât keiņe amâ Anutuņe ulikņân meanġepġât gurukņe miawakmâ gaep. Hain akmâ Ewenenņe Anutu are okot âlep agaņmapġât Anutugât nan baratluņe hârok hainâk okot âlep akyeņgimbo ârândânġ akbiap.

² Hain akto Anutu okot âlep agaņmâ denņe kârikņe lauņe lokom âmâ benņe âlepņe Anutugât nan baratluņe bikņe okot âlep akmâ tânyeņguwaen.

³ Aregât keiņe hin. Anutugât biwi tângo tângo amâ yân bo akmâ den kârikņe lokom âmâ biwi tângo agaņbaen. Akto Anutugât den kârikņe amâ den umatņe bo.

⁴ Amâ Anutuņe menenekmâ tân nenguepġât hângât siâ siâ are hârok kondenņe gemap. Akto areġât kârikņe amâ biwinenņe Anutugâlân katenņe talep areġât hângât siâ siâ kondenņe gemap.

⁵ Aregât lâuwâñe makbe. Niñande hânân kârikñe akmâ siâ siâ hârok ewangiyekbiap? Luâk siâñe Yesu amâ Anutugât Nanñe hain dâm nâñgâm heñgemgowiap arekñe âmâ hain akbiap.

⁶ Yesu Kristo amâ tu akto gilâm akmâ togoep. Tu areâk bo. Aregât tu olop akto gilâmñe olop hârok togoep.

⁷ Akto Anutugât Heakñe den bunñe kautñe are amâ Yesugât keiñe makmâ miawakmap.

⁸ Aregât âlâwu akmâ arekñe tân agum âi memai Heak akto tu akto ikiñe gilâmñe. Akto âlâwu are âmâ keiyenñe konok miawakmap.

⁹ Luâk bikñe den tân agum makbiâ nâñgâenñe bunñe akmap. Dâ Anutuñe den siâ tângombo den arekñe amâ bunñe dondâ akmap. Hain akto Anutuñe Yesu amâ nâñgât Nanñe dâmbo imâ bunñe dâm nâñgâyion.

¹⁰ Akto areâk bo. Siâñe Anutu Nanñaet nâñgâ añbiap yâk Anutugât den bunñe biwiñân kinbiap. Dâ siâ Anutugât den bo nâñgâm heñgemgowiap amâ Anutu hiañgiep dâm nâñgâm hilipkowiap. Luâk hain arekñande Anutuñe Nanñaet den magep aregât nâñgâmbo bunñe bo akbiap aregât Anutu amâ hiañgiep dâm nâñgâm hilipkowiap.

¹¹ Akto den bunñe amâ hin yendâp. Anutuñe manman kârikñe nengiwerâm Nanñe huñgun añdo giep. Aregât manman kârikñe amâ Nanñaelânba miawaknengiep.

¹² Aregât biwinenñe Nanñaelân katenñe manman kârik miawaknengiep. Dâ luâk âmbâle bikñande Anutugât Nanñe bo nâñganñbiâ âmâ manman kârik bo miawak yeñgimap.

Anutu ulilanbaengât keinje.

¹³ Galalupne, nâ den ire hin nângânetgât kulemgoyengiân. Anutu Nanje nânganmai ye âmâ manman kârikne miawak yengimap.

¹⁴ Akto nen wan me wan Anutu ikinjak nângâmbo yendâp aregât biwinenje humo katmâ ulit aktenje nângâ nengiwiap aregât akmâ Anutugâlân hamep bâlâk ulilanmaen.

¹⁵ Aregât lâuwâne makbe. Wan me wan ulilandenje ainâk dowâk nângânengimap dâm nângâmaen amâ âlepne emelâk ulitnenje aregât nengiep dâm nângâwaen.

¹⁶ Aregât luâk siâne galane siâ bâlene siâ momo bâlene bo are mendo ekmâ ainâk aregât akmâ yâkgât ulilando Anutune galane manman dâwân katbiap. Amâ momo bâlene aregât bo maktân. Akto bâlene siâ amâ hememgât bâlene yendâp. Hain aregât ulit âinje meâkgât bo maktân.

¹⁷ Bâlene siâ siâ amâ dosagât pat. Dâ bâlene konok amâ momogât dosa mem miawakmap.

Anutu Bunje Ambone amâ biwinenjan tatmap.

¹⁸ Akto nen hin nângâmaen. Anutune ikinje luâk me âmbâle siâ mendo bâlene hâkne hâkne bo akmâ manmap. Amâ Anutugât Nanjande memapgât horat korat agando aregât Bâlene Ambonande bo memap.

¹⁹ Aregât nen Anutune menenekmâ korat nengumap dâmaen. Dâ luâk âmbâle dondâ Yesu bâlâk hârokne âmâ Bâlene Ambone yâkgât amukjân yemai. Hain nângâmaen.

²⁰ Akto hin gai nângâmaen. Anutugât Nanje yâkne gem nângâ nângâ mem miawaknengimbo

Anutu Bunje Amboje are nângâm biwinennân katmaen. Akto Bunje Amboje amâ Anutugât Nanje Yesu Kristo yâk biwinennân yendâp yâkgât akmâ Anutu Bunje akto Manman Kârik Amboje.

²¹ Galalupne, den bâiŋe ire. Lâpio me hiangi humo arekŋe heyenŋiwâigât damun aganŋim hep-unmâ manbei.

Yusugât Pat Âlep Den
The New Testament in the Timbe Language of Papua
New Guinea
Nupela Testamen long tokples Timbe long Niugini

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 28 Dec 2024 from source files dated 31 Aug 2023

03f82704-6ad1-5094-a78e-e240d9f2d4f8